

## Torersaarnissamut maleruagassat najugaqatigiiffik 385 – Iserit A/S - Tasiilaq

### Aallaqqaasiut

Saniliniq najugaqatinillu mianerinninnissaq pingaaruteqarpoq. Najugaqartut akunnerminni ajunngitsumik pisuseqarfigisarnerat najugaqarfimmi pitsaasumi toqqissisimanissamut annertuumik sunniuteqaqataasarpog.

Attartortup inissiaq paarinerluppagu, aserorteriffigippagu imaluunniit attartortoq ineqarnermut kiassarermullu akilinningsuukkaminik akiligassaqaqalerpat attartortitsisup attartorneq atorunnaarsissinnaavaa.

### Eqqagassat

Inissiaqarfimmi eqqagassanut nakkartitsisarfeqarpat, igitassat nakkartitsisarfikkut iginneqannginnerminni pappiaqqamut poortorluarneqarsimassapput imaluunniit puussiamut ikineqarsimassallutik. Inissiaqarfimmi eqqagassanut nakkartitsisarfeqanngitsuni igitassat igitivissatut inissitaasimasunut iginneqartassapput. Igitassat majuartarfeqarfinnut imaluunniit eqqaaveqarfiit naqqinut iliinnarneqassanngillat.

### Torsuusarsuaasat majuartarfiillu ataatsimoorussat

Attartortoq inissiap najugarisami silataani torsuusarsuaasap majuartarfiillu salliarnartaasa eqqiluisaartinneqarneranni peqataassaaq. Sikkilit, meeraaqqaqnik aneerussissutit, qamutit pequtillu allat majuartarfimmi, majuartarfiit sangoriaanni torsuusarsuaasaniluunniit inissisimatineqassanngillat.

### Antennit

Antennenit sullissineq, attavinnit il.il najugaqartup akisussaaffigai §52 imm. 4 malillugu

### Uffarfiit, kuutsitsiviit, perusersartarfiit, erngup qorlorfii il.il.

Annoraamerngit, qiviuusat assigisaalluunniit perusersartarfinnut imeq atorlugu kuutsittakkanut iginneqartassanngillat. Erngup qorlorfii, perusersartarfiit imiisivii quisarfittaallu ussiippata, imaluunniit erngup aqqutai allat ussiippata attartortitsisoq piaartumik nalunaarfigineqassaaq.

### Mingutsitsineq

Ataatsimoorussamik atorineqartut, soorlu majuartarfeqarfiit, kaajaluisat imaluunniit pinnguartarfiit mingutsineqaaqusaanngillat. Illup iigai qisuttaaluunniit titartuiffigeqqusaanngillat, kigartorneqaaqusaanatik qalipan-neqaaqusaanatililuunniit. Eqqiaanissaq pitsanngorsaanissarlun pisariaqarpata attartortitsisoq tamatumingga isumaginnissinnaavoq, attartortup akisussaasup akiligasaanik.

### Uumasuteqarneq

Attartortitsisoq allakkatigut akuersiseqqaarnagu qimmeqartoqaqqusaananilu qitsuuteqartoqaqqusaanngilaq. Uumasuteqarnissamut akuersissummik Kommuneqarfik Sermersooq – Tasiilaq qinnuteqarfigineqarsinnaavoq Pisuni ataasiakkaani uumasuteqarnissamut akuersissuteqartoqarnissaa Iserit A/S aalajangigassaraa. Nalinginnaasumilli qimmit iluaqutit atugaasut, soorlu tappiitsut qimmiisa aamma politiit qimmiisa uumasutigineqarnissaat tamatigut akuersissutigineqarsinnaavoq.

Nalinginnaasumik inissiaqarfimmi (inissiat quleriaani) akuersisoqarneq ajorpoq qimmiuteqarnissamut qitsuuteqarnissamullu. Illuni uiguleriaani tunngaviumik uumasuteqarnissamut akuersissuteqartoqarsinnaavoq.

Najugaqatigiiffik 385-mi qimuttunik qimmeqarfiunera peqputigalugu taamaallaat qitsuuteqarnissamut akuersisoqarsinnaavoq qularnaveequsiissutit akilereerneratigut inatsisit atuuttut naapertorlugit.

## **Sannatit, nipilersorneq il.il.**

Sakkut nipiliortut, soorlu qillerutit, eqqaamiut eqqarsaatigalugit taamaallaat nal. 8-p aamma nal. 19-ip akornanni atorneqaqqusaapput. Majuartarfinni, torsuusaasarsuarni imaluunniit naqqit iluini nipiliorluni pinnguortoqaqqusaanngilaq. Radium, fjernsyni, båndoptageri, oqaluttartuq imaluunniit CD-mik nipilersuut eqqaamiunut akornutaasumik atorneqaqqusaanngillat. Nalliuttorsiornerit nipiliorfiusut eqqaamiut tamatumingga akuersiseqqaarsimatinagit ingerlanneqaqqusaanngillat. Nipilersortartut sungiusartarneri imaluunniit nipilersornermik ilinniartitsisarnerit attartortitsisumut isumaqatigiissutigineqaqqaarsimassapput.

## **Tamalaanik toqqorsiviit – piliviit**

Tamalaanik toqqorsivinni – pilivinni ininiluunniit assigisaanni ikuallajasunik, soorlu benzinamik, petroleumik, terpeninimik lakkimillu uninngatitsisoqaqqusaanngilaq. Attartortup init taamaattut parnaarsimanissaat isumagisassaraa – atorneqanngikkaluarpataluunniit.

## **Kiassaait imermik imallit**

Kiassaait imermik imallit ussiillisimappata imaluunniit kiassaateqarfimmiit aqqaataasa arlaat ussiitsoqalersimappat, attartortitsisoq tamanna pillugu piaartumik nalunaarfigineqassaaq.

## **Allagartalersuineq**

Allagartalersuinerit, tassani matumi allagartalersuutit kisiisa pinnagit, attartortitsisumit allaganngorlugu akuersineqarsimassapput.

## **Errorsineq**

Attartortuq atuisutut allatuulli errorsisarfinnik atuisinnaatitaavoq. Errorsisarfinnik atuneq najoqqutassiat nivinngarneqarsimasut malillugit aammalu inuup nammineq akisussaaffigisaanik ingerlanneqartassaaq. Errorsisarfiup atortui ajoquteqarpata errorsisarfinnik nakkutilliisut attartortitsisorluunniit nalunaarfigineqassapput. Aneersuartarfinni error-tanik panersiinerit sanilinut akornutaassanngillat.

## **Inigisami allannortiterinerit**

Attartortuq talulersueqqusaananilu talunik piiaaqqaanngilaq. Aamma attartortitsisoq allaganngorlugu akuersisuteqarsimatinnagu inissiami allanik allannortiterinissaq inerteqqaataavoq. Allannortiterinissaq akuersineqarsimappat attartortup allannortiterinermut aningaasartuutit tamaasa akilissavai. Allannortitikkat attartorneq atorunnaar-pat pissuserisimasamissut ilisinneqaqqinnissaat piumasarineqarsinnaavoq. Pissuserisimasamissut ilisinneqaqqin-nerat attartortup suliarissavaa imaluunniit taassuma akiligassaanik suliaritinneqassaaq. Attartortitsisoq akuersiseqqaarnagu allannortiterisoqarsimanera paasineqarpat, tamakku attartortup akiligassaanik ingerlaannaartumik pissuserisimasamissut ilisinneqaqqissinnaapput.

## **Torsaarnissamut maleruagassat maleruarneqassapput**

Torsaarnissamut maleruagassat tamakku, imaluunniit attartornermut peqqussutip tamatumunnga aalajangersagartai naapertorlugit torsaarnissamut maleruagassat akuersissutigineqarsimasut attartortup maleruannngippagit, tassa torsaarnissamut maleruagassat annertuumik unioqquatinneqarsimappata, attartortitsisup attartorneq unitsisinnaavaa.

**Eqqaamallugu, torsaarnissamut maleruagassat allanuinaq atuuttussiaanngillat!**

**Torsaarnissamut maleruagassat pillugit apeqqutissaqaruit uagutsinnut saaffiginnaavutit**  
**Iserit A/S, Ujuaap Aqqulaa B-1200, Postbox 28, 3913 Tasiilaq, oqarasuaat.: 36 30 00,**  
**Fax:36 30 19, e-mail: [iserit@iserit.gl](mailto:iserit@iserit.gl) Quppersagaq: [www.iserit.gl](http://www.iserit.gl)**